

Վարդիթեր

Հայկական ժողովրդական հեքիաթ

Ժամանակով մի ախքատ մարթ կար, ուներ մի կնիկ: Թե՛ ինքը, թե՛ կնիկը ուր որ էթում ին, վոնտում ին, չին թողում իրենց մոտին կայնի:

Էտ կնկա ջանին հասավ, Էկավ մարթին ասեց.— Ժա՛մ եմ էթում՝ դուս են անըմ, հարևանի տո՛ւն եմ էթըմ՝ դուս են անըմ, ինչ անենք, արի դուս գանք մեր գլխի ճարը տենանք, էթանք սարի գլուխը մեզ հըմար ապրենք, որ հարևանի էրես չտենանք: Սոված կապրենք՝ մեզ հըմար, կուշտ կապրենք՝ մեզ հըմար:

— Ա՛խ,— ասեց մարթը,— վատ հարևաններ, ձեր էրեսիցը ես տանիցտեղիցը դադարկուն եմ ընկնում:

Մարթ ու կնիկ հ'էլան գնացին սարի գլուխը, տեհան մի գաղա կար, նի մտան դաղի մեչը:

— Օ՛Ֆ,— ասեց կնիկը,— ի՛նչ լավ տեղ ա, ո՛չ հարևան կա, ո՛չ դրկից, մեզ էլ ամոթանք չեն տա. կապրենք մեզ հըմար:

Մարթն ասեց.— Էտ շատ լա՛վ, համա մեզ ռուղղա ա պետք. դու ըստի կաց, ըստեղ մոտիկ քաղաք կա, ես էթամ փող աշխատեմ, բերեմ քեզ պահեմ:

Կնիկը էտ դաղումը մնաց, մարթը հ'էլավ գնաց էտ քաղաքը: Գնաց մի բարի մարթի ռաստ էկավ:

Էտ մարթն ասեց.— Հը՛, որթիս, մշակ կըլնե՞ս ինձ:

Ասեց.— Կըլնեմ:

Ասեց.— Ամսով կըլնե՞ս, թե տարով: Ասեց.— Ամսով կըլնեմ. իմ կնիկը սարըմն ա, ամսե ամիս հախըս կառնեմ, ռուզղա կառնեմ, կտանեմ կնկանս կպահեմ,

Էտ մարթն ասեց.— Լա՛վ:

Հախը կտրեցին, էտ տղեն ըտեղ մնաց:

Ամխը թըմամեց, էտ մարթը հախն առավ, ռուզղա տարավ կնկանը:

Էթալիս աղեն ասեց.— Ո՛րթիս, որ էթըմ էս, ամառ ա, շոք ա, տե՛ս, թե ձորերունը ձին ըլի, կամ սառից, մի քիչ բեր, քցենք գինու մեչը, խմենք: Մառցով գինին շատ լավ կըլի: Դե՛, որթի, տերը քու հեննա, գնա, թեզ էտ գառ արի:

Մարթը ռուզղեն առավ, գրեց խուրջինը, քցեց ձախ ուսը, գնաց: Գնաց հասավ գաղեն, տեհավ որ մի հատ ածղահա գաղի դռանը պառկած ա: Որ տեհավ՝ զարզանդեց, ուզեց որ էտ դառնար փախներ, էտ ածղահեն ժած տվեց իրեն, կնկանը հասկացրեց:

Կնիկը դուս էկավ, ձեռով արավ, ասեց.— Մի՛ վախենա, արի, էս մեր պահապանն ա:

Մարթը սրտապնդեց, հետ դարձավ էկավ: Որ էկավ զազի դռանը, կնիկն ասեց.— Ա՛յ մարթ ջան, էս մեր պահապանն ա, մի՛ երկուդ անի, աստվածությունն ա ղրկե մեզ:

Մարթը մտնըմ ա նեքսև, արախ-ուրախ հանըմ ա ռուզղեն, ասըմ ա.- Ա՛յ կնիկ, հրես մի ամսվա ռուզղա եմ բերել, կե՛ր, խմի՛ր՝ ընչար նորից դամ. մի ընենց լավ աղա եմ քթել, որ ամխը մեկ որ ինձ իրավունք ա տալի, որ գամ քեզ տենամ:

Էտ օրը մարթ ու կնիկ կերան խմեցին, ուրախություն արին: Առավոտը, որ լիսը բացվեց, լիսը բացվի ձեր վրեն, ձեր որթկերանց վրեն, մարթը վե կացավ, մնաս բարով արեց, գնաց, ասեց.- Մի ամսից էլի կգամ:

Կնիկն ասեց.— Գնա՛, տերը քու եննա, աղիդ լավ կձառայես, դու գիտե՞ս, որ շողոմքոր գառը օխտը մեր ա ծծել: Դու որ շողոմքորություն անես, խոսքիցը դուս չգաս, միշտ էլ իրավունք կտա, կգաս ինձ կտենաս:

Մարթը էլավ գնաց:

Արի տես որ կնիկը երկուֆոքիս էր, մարթին հայտնի չէր, օրերը որ թըմամեց, ցավը բռնեց:

— Ախ,— ասեց,— աստված, ես էս ինչպես անեմ, ինձ տատմեր չունեմ, ինձ ազատող չունեմ: Մեկ էլ տեհավ իրենց քաղաքի տատմերը քթնվեց: Տղեն առավ, լողացրեց, դոնդաղ շինեց, դրեց կողքը: Էկավ մի հինգ օր, վեց օր անց կացավ:

Էտ կնիկը դոնդաղն առավ գիրկը, ասեց.— Ա՛խ, աստված, բա ես ո՞նց անեմ, քավորը ըստեղ չի, իմ ծխական քահանեն ըստեղ չի, ես ո՞նց անեմ իմ բալիկին հալալեմ, ջուրը քաշեմ:

Մեկ էլ տեհավ, որ իրենց քահանեն, քավորը, մեկ էլ տատմերը բուսան: Տատմերը ջուրը հագրեց, դոնդաղը քանդեց, քավորը խարտեց, տերտերը փուրվառ քցելով ջուրը քաշեց, մեռոնեց, անըմը դրեց Վարդիթեր: Բերին դրին մոր գիրկը:

Տատմերն ասեց.— Ջուրը քաշեցինք, մեռոնեցինք, մի-մին էլ օրհնեք տանք, մի-մին ծաղիկ բախշենք:

Քահանան ասեց.— Բա՛խշենք, համա իրավունքը քոնն ա, առաչ դու ասա, մենք էլ քու եննուցը կգանք:

Տատմերն ասեց.— Ես խնթրում եմ աստըծանիցը, որ էս նորամանուկը ինչ ժամանակ որ լրդացնեն՝ ջուրը ոսկի, արծաթ դառնա:

Քահանան ասեց.— Ես էլ խնթրում եմ աստըծանիցը, որ էս նորամանուկը ինչ ժամանակ որ լաց ըլի, աչքերիցը մարքարիտ թափի:

Քավորն էլ ասեց.— Ես խնթրում եմ աստըծանիցը, որ իմ սանիկը ինչ ժամանակ որ ման գա, ոնների տակ անմահական ծաղիկ բուսնի:

Ասեցին ու համփարցվեցին:

Անցավ մի երկու օր, էտ կնիկը երեխին լրդացրեց, տեհավ՝ ջուրը տաշտի մեջ արծաթ դառավ. նա հենց իմացավ, թե ջուրը սառեց, վե կալավ՝ դաղի

մի պուճախը լցրեց: Որ էրեխեն լաց ըլավ, աչքերիցը մարքարիտ թափվեց. խեղճ կնիկը միամիտ էր, հենց գիտեր թե կարկուտ ա, հավաքեց, լցրեց սառցի կշտին:

Ամիսը թըմամեց, աղեն մուրախասա արեց, էտ մարթը հախն առավ, ռուդդան հազրեց, ընկավ ճամփա:

Աղեն ասեց.— Ա՛յ տղա, էս անքամ չմոռանաս, հետդ սառից բերես:

Մարթը էլավ, էկավ հասավ դաղեն, տեհավ էլի էն ածղահեն դրան աղաքին մեկնված ա. չվախեցավ, էկավ, ածղահեն ճամփա տվեց, անցավ մտավ դաղեն: Տեհավ կնիկը պառկած էր, կողքին մի լսի կտոր բալուլ դրած: Աշխարքն իրեն տվին, գրկեց, ուրախացավ, ասեց.— Ա՛յ կնիկ, էս ո՞նց ազատվեցիր մեն-մենակ:

Ասեց.— Փառք աստու, մեր տատները էկավ ազատեց, մեր քահանան, քավորը էկան կնքեցին, անըմը դրին Վարդիթեր:

Նստեցին, կերան-խմեցին ուրախացան, տղին հաղացրին, մութը ընկավ՝ քնեցին:

Լիսացավ. լիսը բացվի ձեր վրին, մարթը հ՛էլավ, որ էթա քաղաք, տեհավ զաղի մի պուճախը մի սիպտակ բան պսպրդում ա, ասեց.— Էս ի՞նչ լավ էլավ, իմ աղեն սառից էր ուզում, էս սառիցը ո՞րդիան ա, տանեմ աղին:

Կնիկն ասեց.— Որ էրեխին լողացնում եմ, ջուրը դառնում ա սառից, կիտում եմ ըտեղ: Լաց ըլելիս էլ կարկուտ ա թափվում, կիտում եմ ըտեղ:

Մարթը խուրջնի մի աչքը սառից լցրեց, մի աչքն էլ կարկուտ, քցեց ուսին, ընկավ ճամփա, գնաց տուն: Գնաց տեհավ, որ խանըմը հաց ա թխում:

Խանըմն ասեց.— Էկա՞ր. սառիցը բերե՛լ էս:

Ասեց.— Խա՛նըմ, բերել եմ:

Ասեց.— Աղեն տանը չի, տար դիր զերզանքին, որ չհալչի:

Տարավ դրեց զերզանքին:

Աղեն էկավ, էտ մարթը գնաց գերզանբուց մի կտոր սառից վե կալավ, բերեց տվեց աղին, ասեց.— Աղա՛, սառիցը բերի:

Աղեն որ տեհավ՝ զարմացավ: Ասեց.— Շատ ես բերե՞լ:

Ասեց.— Աստուն փառք, մի խուրջին լիքը բերել եմ, հրե՛ն գերզանբումը:

Աղեն ասեց.— Է՛թանք տենանք:

Գնացին, տեհան, որ բոլորը ոսկի, արծաթ ա:

— Ա՛յ քու տունը շինվի,— ասեց աղեն,— ի՛նչ սառից, էս սաղ ոսկի, արծաթ ա: Որթիս, ինձ հարամ, քեզ հալալ ա, վե կալ էթանք բազարը, խուրդենք, նաղտ փող անեմ, տամ քու ձեռը:

Գնացին բազար, արծաթի ու ոսկու կտորները խուրդեցին, նաղտ փող արին, լցրին խուրջնի աչքը, բերին տուն:

Աղեն ասեց.— Ըստուց դենը էլ նոքաբուրուն անելու պետք չունես, առ էս աշխարի խազնեն, գնա քեզ հրմար հանգիստ կյանք վայելի:

Մարթը վե կալավ փողերն ու ուրախ-ուրախ գնաց դաղեն: — Է՛, կնիկ,— ասեց,— աստված տվեց որ տվեց, էտ կիտուկը ոչ թե սառից ա՛ ոսկի, արծաթ ա: Արի էթանք քաղաք, մեզ հրմար ամարաթներ շինենք, դոստ ու դուշմանի աչքը քոռացնենք:

— Չէ,— ասեց կնիկը,— անճախ ա անգաջներս դինջացել, ապրենք ըստեղ, մեզ հրմար: Ամարաթ ես ուզըմ՝ ըստեղ շինենք, էտ դազի գլխին:

Մարթը ռադի կացավ, գնաց քաղաքից ուստա, ֆահլա բռնեց, բերեց մի ընենց ամարաթներ շինեց դազի գլխին, որ չուտես, չիմես՝ նստես թամաշ անես:

Տասնրհինգ տարի ըստեղ ապրեցին, ախչիկը մենձացավ, տասնհինգ տարեկան էլավ: Թե ուրիշի էրեխեքը տարով ին մենձանում, դա օրեցօր էր մենձանում. բարցրացել դառել էր չինարի, որ ման էր գալիս՝ ոնների տակին անմահական ծաղիկներ ին բսնում, էրեսը կասես լիսնհազ ըլեր,

լիսնհագին ասում էր մի դուս գա, ես դուս եմ էկել: Հ'աշկերը մին-մին արեքակ ին, ծամերը ոսկեթել մինչև կրնկներն ին կոխում: Պոռոշները բարակ՝ ոնց որ վարթի թեր: Որ խոսում էր՝ կասես բերանիցը անուշ մեղր էր թափում: Տեսնողը խելքամաղ էր ըլնում:

Օրերից մի օրը թաքավորը ասում ա իրա տղին.— Արի՛ քեզ նշանեմ մեր վեզրի ախչկա հետ:

Տղեն ասում ա.— Նշանվելուցս առաջ ես պըտի էթամ ավ անելու:

Թաքավորի տղեն վեզրի հետ հեծնում են ձիանիքը, մի քանի մարթկանց եննա էթում են ավ անելու:

Սաղ օրը սար ու ձոր ման են գալի, ավ չի պատահում: Վեր են գալի ձորը, տենում են մի հատ մարալ արածում ա. մարալը ըտրանց որ տենում ա, փախնում ա. թաքավորի տղեն ձին լցնում ա, քար ու ձոր մտիկ չի տալի, եննուցը գնում ա: Վարդիթերենց ամարաթի կշտին մարալը հ'աշկիցը կորչըմ ա: Թաքավորի տղեն ձիուցը վեր ա գալի, տենում ա, որ դռան առաջին մի հալիվոր նստած ա:

Թաքավորի տղեն ասում ա. — Ա՛յ բիձա, իմ մարալը ըստեղ էկավ, պտի տաս:

Հալիվորը շիվարեց, ասեց. — Ա՛յ բալա, ըստի մարալ չի էկել, գնա քու մարալիդ քամակիցը:

Էտ գրըցին վեզիրն էկավ կշտին կաննեց: Էրկուսը մին էլան, էտ հալիվորին նեղը լծեցին: Ասին.— Պըտի էթանք, ման գանք քու ամարաթը:

Հալիվորը մատը կծեց, ասեց.— Կա՛ չկա ըստոնք իմ ախչկա հըմար են էկել: Ճարը կտրվում ա՝ թողում ա, որ էթան ման գան: Սաղ օթախները ման են գալի՝ իրանց մարալին չեն քթնում. գալիս են կաննում մի դռան առաջ, նի են մննում էտ օթախը, ինչ տենում. մի ախչիկ, որ չուտես, չիմես՝ կաննես

նրա էրեսին թամաշ անես. նա որ ման էր գալի՝ ոնների տակին ծաղիկներ էր բսնում:

Թաքավորի տղեն ասում ա.— Իմ մարալը էս ա՝ որ կա:

Ըտեղ արի տես, որ վեզրի սրտին խանչալ տաս, արին չի կաթա: Ինչ աներ, թաքավորի տղեն էր, որ մի բան բեյինն ընկներ, էլ ձեռ չէր քաշի:

Թաքավորի տղեն ախչկա հորը ասեց.— Ա՛յ հեր, էս քու ախչիկդ ուզում եմ, պըտի տաս:

Հերն ասեց թե.— Ինձ քցես՝ էս կտամ, համա իրավունքը իրա ձեռին ա, իմ փայս աստված օրհնի:

Թաքավորի տղեն էկավ ախչկանն ասեց.— Ես քեզ ուզում եմ, կամք տալիս ե՞ս:

Ախչիկն ասեց.— Ես կամք տալիս եմ, համա էս անգլուխ ախչիկ չեմ, գնա հորիցս ուզա:

Տղեն էկավ հոր մոտը, ասեց.— Ախչիկդ կամք տվեց. քցել ա քեզ, դու էլ օրհնող իլ:

Հերն ասեց.— Աստված օրհնի, մի բարցի ծերանաք:

Թաքավորի տղեն ուզում էր հենց էտ սհաթին առնի իրա հարսնացուն ու էթա, համա վեզիրը ասեց.— Ըտենց բան չիլնի. էթանք թաքավորին ասենք, նրա խորուրթն էլ առնենք, էտո գորքով, գոշունով, դիոլ-գուռնով, քեֆ ու ուրախությունով գանք մեր ամանաթը տանենք:

Թաքավորի տղեն ռազի կացավ, մնաս բարով էլան, ձիանը նի էլան, գնացին: Գնացին թաքավորի կուշտը:

Թաքավորի տղեն ասեց.— Մի ախչիկ եմ քթել, կուզես՝ էն ա, չես ուզի՝ էն ա:

Թաքավորը թաքուն կանչեց վեզրին, ասեց.— Էտ ի՞նչ թավուր ախչիկ ա, որ ըտենց սիրտը կպել ա:

Վեզիրն ասեց.— Էնա կրերես, կտենաս. սարի, ձորի մեջ ապրողը ի՛նչ կրլնի: Էքսի օրը թաքավորը հրամայեց, որ վեզիրը իրա տղի հետ էթա, հարսը բերի: Վեզիրը գորքը վե կալավ, իրան ախչկանն էլ տղամարթի շոր հաքցրեց, ընկան ճամփա. Էկան հասան Վարդիթերանց ամարաթները: Կերան, խմեցին, հարսը վե կալան, դուս Էկան:

Էկան, ճամփին մուրն ընկավ, վեզիրն ասեց.— Տղերք, մեք վռագի, Էկեք էս քշերը ըստեղ մնանք, լիսը բացվի էթանք քաղաք, որ բիրագի էլ տենեն. դուստը ուրախանա, դուշմանը ճաքի:

Արի տես, որ էտ անխիղճ վեզիրը բիրագի մարթկանցը գրավեց, մի լավ հարփացրեց՝ ընենց, որ բիրագնով էլ խումար վեր ընկան, քնեցին:

Վեզիրը Վարդիթերին խափեց, տարավ մի ախարի կուշտ:— Ըստեղ դու նստի, էթամ քու լայաղին մարթ բերեմ:

Ախչիկը նստեց, վեզիրը գնաց իրա ախչկանը առավ, Էկավ:

Վեզիրը վրա հասավ Վարդիթերի կոները բռնեց, իրա ախչկանը ասեց.—

Արի սրա շորերը հանի հաքի:

Ախչիկը Վարդիթերի շորերը հանեց, իրա վրի տղամարթի շորերը դեն քցեց, բարա շորերը հաքավ. եննա դանակը առավ Վարդիթերի հ՛աշկերը հանեց, քցեց իրա ջեբը: Վարդիթերին ըտեղ տկլոր թողացին ու գնացին:

Վեզիրը բերեց իրան ախչկանը թաքավորի տղի կշտին թեք քցեց: Լիսը բացվեց. վե կացան գնացին, քեֆով-ուրախությունով հասան քաղաք: Թաքավորը օխտն օր, օխտը քշեր հարսանիք արեց, ըտոնց պսակեց:

Մի էրկու օր անց կացավ, թաքավորի տղեն իրա կնկանը ասեց.— Մի վե՛ր կաց, ման արի, մի ու շնորքդ տենեմ:

Նա կողրի ընկավ, վե չկացավ: Թաքավորի տղեն տեհավ, որ շնորքը շանց չի տալի. օրը մեկ արեց, տուրը հազար արեց: Թաքավորի տղեն, որ իրա կնկանը չէր ծեծում, նրա ձենը հասնում էր վեզրի անգաջը:

Վեզիրը գալիս էր թաքավորին ասում էր. — Ես չէի ա՞սում, որ սարը ապրող ախչիկը բռի կըլնի, չպըտի բերեիք, համա որ բերել էք, չպըտի քյորլուդ տաք, չէ՞ որ նրա ամոթն էլ ձերն ա:

Թող թագավորի տղեն օրենը հազար անգամ ծեծի վեզրի ախչկանը, մենք խաբարը տանք Վարդիթերիցը: Օրերից մեկ օր մի վաճառական էկավ էտ ախպրի մոտը վեր էկավ: Սկսեցին հաց ուտիլը: Վաճառականը մի կտոր հաց քցեց իրա թուլի հաղաքը. թուլեն հացը վե կալավ, գնաց ձեռաց էտ դառավ էկավ: Մեկ էլ հաց քցեց, էլի առավ գնաց, էլի ձեռաց էտ դառավ էկավ, մեկ էլ քցեց՝ էս անգամ ասեց. — Տղերք, մեկդ վե կացեք տեհեք, էս շունը հացը հ՛ն՞ էր ա տանըմ:

Թուլի եննուցը մեկը գնաց, գնաց տեհավ, որ մի տկլոր, քոռ ախչիկ վեր ընկած ա, թուլեն հացը բերում տալիս ա դրան: Էտ մարթը հետ ա դառնում, գալիս ա աղին ասում ա. — Աղա, մեր թուլեն հացը տանում ա ընտեղ մի քոռ, տկլոր ախչիկ կա, տանում ա ընդրան ա տալի:

Աղեն ասում ա. — Գնացեք, էտ ախչկանը բերեք:

Էթում են, բերում են:

Վաճառականը ասում ա. — Իմ բալես, դու ո՞ր դիանցի էս:

Ախչիկն ասում ա. — Էս թաքավորի քաղաքիցն էմ:

Վաճառականը ասում ա. — Բա՛լա ջան, էս էթում էմ էտ քաղաքը, քեզ հետս կտանեն:

Աղեն ասում ա. — Տունդ գի՛ դում էս:

Ասում ա. — Գիդում էմ, դու տար ինձ քաղաքի դրաղին բաց թող, էս կէթամ կքթնեմ:

Վաճառականը վեր՛նում ա էտ ախչկանը, տանում ա քաղաքի դրաղին վեր ա գնում, մնաս բարին ա անում. էթում:

Էտ ախշիկը էթում ա մի դուռ ա ծեծում. մի պառավ ա դուրս գալի.— Որթի, ի՞նչ ախշիկ ես:

Ախշիկն ասում ա.— Նանի, կա՞րաս ինձ տուն առնես:

Պառավն ասում ա.— Ա՛յ բալա, ես մի քյասիբ կնիկ եմ, քեղ ո՞նց տուն առնես:

Էտ վախտը ախշիկը ջեբիցը հանում ա մի բուռ ոսկի, տալիս ա պառավին:

Պառավը ասում ա.— Վա՛յ, ես քեզ դուրբան, քու չարը տանես, քեզ էլ հ՛ո՞ւր թողամ էթաս, քու էկած ճամփին դուրբան, ա՛րի նեքս:

Վարդիթերը ասում ա.—Նա՛նի ջան, վախիլ մի՛, ինձանից քեզ վնաս չի գա, ժամանակին քեզ կհարստացնես, հըմի գնա մի կուժ ջուր բե, ես պըտի լեղանամ:

Պառավը վե կալավ կուժը, գնաց ջուրը բերեց: Պառավը որ ջուրը բերեց, ախշիկն ասեց.— Նանի ջան, դու գնա քու բանիդ, ես ըստի կլեղանամ, մի վախտից հետո կգաս:

Ախշիկը լեղացավ, սաղ ջուրը ոսկի ու արծաթ դառավ. պառավը էկավ՝ ի՛նչ տեհավ, սաղ պուճախը ոսկով ու արծաթով լցրել ա, շատ ուրախացավ, ասեց.— Ա՛յ բալա, էտ ո՞նց արեցիր, որ ջուրը ոսկի դառավ:

Ախշիկն ասեց.—Հըլա որտե՛ղ ա ոսկին ու արծաթը. դու կոհիդ դվաթ տուր, ջուր բեր, ես էլ ոսկի ու արծաթ շինես:

Պառավի բանը էն էր, որ առավոտը քշերհանա վեր էր կենում, կժերը առնում, տարի օրը ջուր էր կրում:

Ախշիկն էլ մի յանիցր ոսկի ու արծաթ էր շինում:

Օրերիցը մեկ օրը ախշիկը պառավին ասեց.— Նանի ջան, ձեր քաղաքընը *ինջիներ* կըլնի՞:

Պառավն ասեց.— Խի՞ չի ըլնի:

Ասեց.— Դե որ կա, գնա կանչի, թող գա, մի լավ *Ֆասադ* քաշի, քեզ հըմար մի ընենց շենլիկ պըտի շինեմ, որ քաղաքըմը թայը չքթնվի:

Պատավը վե կացավ գնաց ինջիներին բերեց: Ինջիներն էլ *ֆասադը* տվեց, գնաց:

Էքսի օրը ախչիկը պատավին դրդեց էլեդ քաղաքը *ֆահլա*, *րաննահ*, *ուստա*, *քարտաշ չթողեց*, որ հավաքեց բերեց:

Բերեցին էրկու ամսեն վրա ընենց շինություններ շիներ, որ սաղ քաղաքումը ասելիք էլավ: Էտ պալատների մեչն էլ բերեցին խալ ու խալիչերով փովասկեցին, սկսեցին գյանր քաշել:

Ախչիկն ասեց.— Նանի ջան, հո էլ պակաս բան չմնա՞ց:

Պատավն ասեց.— Որթի ջան, մի բան ա պակաս մնացել՝ որ իմ ջանին դարդ ա ըլել, քշեր ու ցերեկ մտիցս չի էթում:

Ախչիկն ասեց.— Էտ ի՞նչ բան ա, որ էս հանքին գյանքի միչին մտիցդ չի էթում:

Պատավն ասեց.— Որթի ջան, քու հ'աշկ չունենալը ինձ հըմար սարի դդար դարդ ա:

Ախչիկն ասեց.— Նանի ջան, էս քշեր էս մի էրազ ի տեհել. էրագումս հ'ախպուր ի գնացել. ըտեղ իմ հ'աշկերը էրկու հատ աղունիկ ուզում ին սաղացնիլ:

Ախչիկն ասեց.— Նանի ջան, բա ձեր քաղաքըմը մի հ'ախպուր չկա՞: Նանը ասեց.— Խի՞ չկա. ընենց մի լավ հ'ախպուր կա, որ կշտին նստողի հոքին փառավորում ա. վրին էլ էրկու հատ չինարի ծառ կա:

Առավոտը ախչիկն ու պատավը վե կացան գնացին հ'ախպուրը. ճամփին բեզարել ին, հենց որ տեղ հասան, պատավն ասեց.— Բա՛լա ջան, մի քիչ զինջանանք, էս նստեմ, դու գլուխդ դի գոքս, ոտերդ էլ դի ջուրը, մի քիչ քնի:

Ախչիկն ասեց.— Լա՛վ, էս կքնեմ, զու գարթուն կաց:

Արի տես, որ պառավը ախշկանիցը թեզ քնեց: Ախշիկը շատ էր քնե, քիչ էր քնե, էրագոււմը տեհավ, որ էրկու հատ աղունիկ իրար եննա խոսում ին: Էտ աղունիկներից մեկը ասեց էն մի աղունիկին.— Ա՛յ քիր, գիդաս էս ախշիկը ո՞վ ա. էս ախշիկը էն գադի միջի ծնված ախշիկն ա. Վարդիթերն ա. ըտրա հ՛աշկերը վեզրի ախշիկն ա հանել, որ մնչանք հըմի էլ նրա ջիբումն ա, նա էլ թաքավորի տղի կնիկն ա: Վարդիթերը քնած ա՛ թո իմանա, զարթուն ա՛ թո լսի, մեր բմբլներից մի հատ վե կքցենք, թող վեր ունի, տանի իրան մոզին պահի: Ըտուց հետո իրա ոտների տակ բըսնող ծաղիկներից լավ-լավ դաստա շինի, դրդի ծախելու, փողով ուզեն՝ չտա, մալով ուզեն՝ չտա, ասի որ՝ հ՛աշկի լսով եմ ծախըմ, հ՛աշկի լիսը որ բերին, թող դնի հ՛աշկերի տեղը, բմբլով էլ ախպրի ջրիցը քսի, կլավանա:

Ըտոնք թռան գնացին:

Ախշիկը վե կացավ տեհավ, որ պառավը քնած ա, ասեց.— Նա՛նի, բոլ ա քնես, հլա մի վե կաց, էտ ծառների տակին ման արի, տես բմբուլ կա վեր ընկած, բեր տո՛ւր ինձ: Նանը վե կացավ ման էկավ, ման էկավ՝ չինարի տակիցը մի բմբուլ քթավ, բերեց տվեց ախշկանը: Ախշիկը բմբուլը վե կալավ, գնացին տուն:

Էքսի օրը ախշիկը պառավին ասեց.— Ես ման կգամ, դո՛ւ իմ եննուցս ծաղկըները թոփ արա, դաստա արա:

Ախշիկը ման էկավ, պառավը նրա եննուցը ծաղկըները թոփ արեց, դաստա արեց:

Ետո ախշիկն ասեց.— Էտ ծաղկըները վե կալ տար ծախա, փողով կուզեն՝ չտաս, մալով կուզեն՝ չտաս, որ կասեն. «Բա ընչո՞վ էս ծախըմ», ասա. «Ում որ ավելի հ՛աշկի լիս ունի, նրան կտամ»:

Պառավը ծաղկըները դրեց բոթնոցի մեջ, տարավ ծախելու: Ով գալիս էր ծաղիկ առնելու, պառավն ասում էր.— Ավելնորթ հ՛աշկի լսով եմ ծախում:

Բիրադի զարմանում ին, ասում ին.— Էս պառավը գի՞ժ ա, ում ավելի հ'աշկի լիս ունի, որ տա ծաղկով:

Պառավը էկավ հասավ թաքավորի պալատի առաջը: Թաքավորի հարսը փանջարիցը պառավին որ տեհավ, կանչեց իր կուշտը, ջիբիցը մի բուռ ոսկի հանեց տվեց, որ ծաղիկ առնի:

Պառավն ասեց.— Էս ծաղիկը փողով չեմ ծախում, ավելնորթ հ'աշկի լսով եմ ծախում:

Թաքավորի հարսը որ լսեց հ'աշկի լսի անումը, ձեռը տարավ ջերերքը, ման էկավ, հ'աշկի լսերը քթավ, տվեց պառավին, պառավը օխտ-ութ դաստա ծաղիկ ուներ, տվեց էտ հարսին, հ'աշկի լսերը առավ ու եգին տուն էկավ:

Վարդիթերը ոնների ձենը որ լսեց, ասեց.— Նանի ջան, բերեցի՞ր:

Պառավը ասեց.— Բա՛լա ջան, բերի, արի ա՛ռ:

Ախչիկը հ'աշկի լսերը պառավի ձեռիցը առավ, պառավին թագադան դրկեց ախպուրը. ասեց.— Գնա՛, թաղա ջուր բեր:

Պառավը գնաց, ջուրը բերեց: Ախչիկը հ'աշկերը դրեց տեղը, բմբուլը թաթախեց ջրի մեջը, քաշեց հ'աշկերը, հ'աշկերը սաղացավ, պառավի յարեն էլ հետը սաղացավ:

Պառավն ու Վարդիթերը իրանց հրմար թող քեֆ քաշեն, մենք խաբարը տանք թաքավորի տղիցը:

Թաքավորի տղեն էկավ տեհավ ծաղրկները պատերին կպցրած ա դաստով, շատ ուրախացավ, ասեց.— Էլ խի՞ իր ծեծվում, խի՞ իր ջարթվում դու, ես էս ծաղկըներն ի ուզում:

— Դե,— ասեց,— մի վե կաց ման արի:

Ասեց.— Ի՞նչ շատ վռագացնում ես ինձ:

Չվեկացավ. էլի դրան ծեծեց ու գնաց ջոկ տեղ քնելու: Իրա մտքին մտածեց, որ ես իմս քթել եմ, նշանները դուս ա էկե: Ըտոնք մի ժամանակ ըտենց մնացին, էկավ որ մայիսի օրերն էր, թաքավորը իրա ձիանը դրգեց պահելու. ձենը գնաց էտ պառավին:

— Հա,— ասեց,— պառավ, ի՞նչ կա,— ասեց,— որ մեր թաքավորը ձիանը տալիս ա պահելու: — Գնա,— ասեց,— մի հաստ էլ դու առ բե՛ր, պահենք, աստված թող մեզ չամանչացնի թաքավորի մոտին:

Պառավը վե կացավ գնաց: Թաքավորը բոլոր ձիանը ցրվել էր, մի հաստ ձի էր մնացել, ընենց գոռադա ձի էր:

— Դե,— ասեց,— տվեք էտ ձին էլ պառավը տանի, ես գիդամ ճամփին պըտի սատկի:

Պառավն էր՝ ձին վե կալավ բերեց, հընչել իրա տունը հասնիլը տասը տեղ նստեց էտ ձին:

— Նանի,— ասեց,— ձին բերեցի՞ ր:

Ասեց.— Բերեցի:

Ասեց.— Ո՛րթի, ընչո՞վ պըտի պահենք, գարի, դարման չունենք, խոտ չունենք:

Ասեց.— Աստված մեծ ա, բա՛ ես խոտ ու դարմա՞ն էլ չեմ: Դու գնա՛ գործիդ, ես էս ձին լավ կպահեմ:

Ախչիկը ձին առավ տարավ պահեց. ինքը ման էր գալի, ոնների տակը անմահական ծաղիկներ էր բուսնըմ, ձին եննուցը ուտելով էթըմ էր: Մին էրկու ամսվա մեչ ձին տոզվեց, դառավ հրեղեն ձի, աստղերի հետ հաղ էր անըմ:

Օրերի մեկ օր սկսեց թաքավորը ձիանը կիտիլը: Սաղ կիտեցին, մնաց էտ պառավի ձին, գոռադա էր, բանի տեղ չէին դնըմ:

Թաքավորը տղին ասեց.— Ա՛յ տղա, էն մի ձին ա մնացե, էն էլ դու գնա բեր:

Թաքավորի տղեն էր՝ էկավ պառավի տունը, պառավը նստած էր իրա դռան առաջին, հարցրեց, ասեց.— Նանի՛, մեր ձին ըստի՞ ա:

Ասեց.— Ըստի ա՛, համա ձիուդ ընենց ենք չաղացրե, որ աստղների եննա հաղ ա անըմ, արի տես:

Թաքավորի տղեն մտավ նեքսը՝ ի՛նչ տեհավ, Վարդիթերը ձիու գլամիցը բռնել ա, ընկել ա աղաք՝ էթում ա, ոնների տակին փունջ մանուշակ ա բսնում, ձին էլ ուտում ա ու խրխնջում: Թաքավորի տղեն որ տեհավ, խելքը գլխիցը թռավ, էրկուսն էլ իրար ճընանչեցին, փաթաթվեցին իրար: Ախչիկը վեզրի արածները պատմեց թաքավորի տղին. թաքավորի տղեն ամեն բան հասկացավ: Ըտուց հետո ետ դառավ էկավ տուն, գնաց հոր կուշտը, վեզրի արածները պատմեց: Թաքավորի տղեն ասեց.— Ա՛յ հեր, դու ինձ ղնամիշ իր անըմ, ասըմ իր. «Քու մեխքն ա, քա՛շի, ո՞վ ա մեղավոր, զաղի ապրած ախչիկն ի՞նչ պըտի ըլնի, հո մենք չարեցինք, դու քու կամքովն առար», ասում իր. «Ես ուզըմ ի վեզրի ախչիկը առնել, դու չուզեցիր՝ գնացիր սարըմ ապրած ախչիկ առար»: Վեզրի ախչկանը հո տեհար, դե դու արի զաղի բերած ախչկանն էլ տես: Հըմի, ա՛յ հեր, վե կաց, քու պատրաստութունդ տես, ըստիան մինչի պառավի տունը խալիչա փռիլ տուր:

Հերը տղին լսեց, մնչվիլ պառավի տունը խալիչա փռեց, զորքերը հանեց կաղնացրեց: Վեզիրը կծկծու մեռնըմ էր: Հարսին պառավի տանիցը հանեցին, առոք-փառոք տարան, երմիշ ըլելուս տենողի խելքը էթում էր, ոնների տակի վարթ-մանիշակները հավաքող-հավաքողի էլավ: Վարդիթերին բերին հասցըրին թաքավորի ամարաթները: Թաքավորը թագա հարսին ու իրա տղին կանչեց, տարավ իրա կուշտը, ճակատները պաչեց ու օրհնեց:

Հետո վեզրին ու իրա ախչկան կանչեց, ըտրանց կապիլ տվեց մի-մին զիժ դաթրի պոչից ու բրախեց:

Ղաթրները իրիկունը էկան, ըտրանց չոր քյալլեքը բերին:

Նրանք հասան իրանց մուրազին, դուք էլ հասնեք ձեր մուրազին:

Ասսանից իրեք խնձոր վեր էկավ, մինն՝ ասողին, մինը՝ լսողին, մինն էլ
անգաջ անողին: